

JAMHUURIYADDA FEDERAALKA SOOMAALIYA  
XAFIISKA NOOTAAYAHA & LATALINTA  
ARRIMAHA SHARCIGA EE TAYO  
MUQDISHO - SOOMAALIYA



جمهورية الصومال الفدرالية  
مكتب تيو لتوثيق العقود  
والإستشارات الشرعية  
مقديشوا - الصومال

SHARCIGA DHISMAHA SHIRKADDA  
(FURE GENERAL SERVICE COMPANY)

MUQDISHO-SOOMAALIYA

2023



+252 612223788 | +252 615353330



Nootaayotayo@gmail.com



Barako Market , Near Waaheen Hotel Mogadishu, Somalia

# UJEDDO: DHISMO SHIRKAD MAS'UULIYADEEDU XADIDDAN TAHAY OO

## LAGU MAGACAABO (FURE GENERAL SERVICE COMPANY).

Maanta oo ay taariikhdu tahay **12/02/2023** Anigoo ah **Dr. Maxamed C/llaahi Maxamed (Max'ed Notaayo)**, lehna Xafiiska Nootaayaha Tayo Public Notary ee ku yaalla Xamar, degmada H/Wadaag Xafiisna ku leh Waddada Koowaad ee Suuqa Bakaaraha dhabarka Dambe ee Hotel Waaheen ee Magaalada Muqdisho, waxaa xafiiska iigu yimid mudanaha Hoos Ku Xusan:-

**1-Mahad Muhumed Osman**, Sita baasaboorka lamarkiisu yahay P00935024, Mudanahaan Isago caafimaad qaba, caqligiisuna taam yahay, cid heshiiskan ku qasabtayna aysan jirin qowl iyo ficilba, Wuxuu i weediisteen inaan u qoro heshiis ku saabsan dhismo sharci Shirkadeed oo ka kooban qodobada hoos ku qoran:-

### QODOBKA 1-AAD MAGACA SHIRKADDA

Mudanaha aan kor ku soo sheegay wuxuu sameystay Sharci Shirkada lagu magacaabo  
**(FURE GENERAL SERVICE COMPANY)** oo ah Shirkad gaar lo leeyahay  
(Private Company).

### QODOBKA 2-AAD ASTAANTA SHIRKADDA



### QODOBKA 3-AAD

#### WAQTIGA LA' AASAASAY SHIRKADDA

Fure General Service Company Waxaa La'aasaasay **03-03-2019**, Waxaana Lagu Aasaasay Magaalada Muqdisho Caasimadda Soomaaliya.

### QODOBKA 4-AAD NOOCA SHIRKADDA

Shirkaddani waa Shirkad gaar loo leeyahay, waxaana ku soo biiri Kara Saamiley kadib markuu Saxiixo Maamulaha Guud ee shirkadda.

**QODOBKA 5-AAD**  
**XARUNTA SHIRKADDA**

Xarunta Shirkadda Waa Muqdishu Caasimadda Soomaaliya Degmada Hodan-Taleex, Xarumaha, Shirkadda Waa La Kordhin Karaa Markii Loo Baahdo Waxaana Lagala Xiriiirayaa Maamulaha Guud Ee Shirkadda.

**QODOBKA 6-AAD**  
**UJEEDDOOYINKA SHIRKADDA**

- 1-Ka Ganacsiga Dhulalka, Guryaha Iyo Mareynta Hantida Maguurtada ah.
- 2-Dhismaha Guryaha Iyo Naqshadeeynta Dhismayaasha Kala Duwan.
- 3-Qodista Ceelasha Biyaha.
- 4-Logistics & Procurement (Daabulista Badeecoyinka kala Duwan).
- 5-Gelidda Heshiyada Ganacsiga ee Dowliga ah iyo kuwa aan Dowliga ahayn.
- 6-Suuq Gaynta Badeecoyinka Iyado La Isticmaalayo Tiknoolajiyada.
- 7-Hantidhawrka & Xisaabinta Shirkadaha Ganacsiga.
- 8-Waraabka Beeraha, Iyadoo La isticmaalayo Soolar

**QODOBKA 7-AAD**  
**RAASUMAALKA SHIRKADDA**

Raasumaalka shirkaddu waa lacag dhan US \$400,000 (Afar Boqol Oo kun oo doolarka Mareykanka ah)

No.	Magaca Milkiilaha	Lacagta	Boqoley
1	Mahad Muhumed Osman	\$ 400,000	100 %

**QODOBKA 8-AAD**

**KAMID NOQOSHADA SAAMILEYDA SHIRKADDA**

Qof walba oo ku darsada saami xadidan shirkadda buuxiyena xeerka kamid noqoshada saamileyda, uuna u saxiixo maamulaha guud ee shirkaddu, wuxuu noqonayaa saamile ka diiwaan gashan shirkadda.

**QODOBKA 9-AAD**

**QAYBSASHADA FAA'IIDADA IYO KHASAARAHA**

Faa'iido iyo khasaaro wixii yimaado waxaa iska leh dhamaan Milkiilaha shirkadda

**QODOBKA 10-AAD**

**SHAKHSIYADDA QAANUUNIGA EE SHIRKADDA**

Shirkaddu waxa ay leedahay xuquuq qaanuuni ah, haddaba Magaca Shirkadda ayaa loo isticmaalayaa dhammaan hantida Shirkadda sida: heshiisyada, gaadiidka, qalabka, dhulalka, guryaha, sumadaha ganacsiga iyo tiimbarayaasha.

## QODOBKA 11-AAD

QAAB DHISMEEDKA IYO MAAMULKA SHIRKADDA

Mahad Muhumed Osman  
*Maamulaha Guud iyo Milkiilaha Shirkadda*

## QODOBKA 12-AAD

AWOODAHA MILKIILAHA SHIRKADDA

**Awoodaha Milkiilaha Guud ee Shirkadda.**

- 1-Waa matalaha Shirkadda ee dhammaan heshiisyada ay shirkaddu galayso.
- 2-Wuxuu siin karaa wakaalad guud ama mid gaar ah Cida uu Doono.
- 3-Waa saxiixaha foomka kamid noqoshada Shirkadda
- 4-Dabagalka iyo kormeeridda dhammaan shaqooyinka shirkadda
- 5-Wuxuu maamulayaa akoonada shirkadda ee ka furan bankigayada
- 6-Wuxuuna Lacag Ka Bixin Kara Akoonada Bankiyada Ee Magaca Shirkada Ku Qoran
- 7-Wuxuuna iibin kara Dhulalka Magaca Shirkada Ku Qoran
- 8-Diiwaan galinta xisaabaadka shirkadda
- 9-Samaynta xisaab xir sanadeedka shirkadda
- 10-Socodsiinta guud ahaan shaqada shirkadda
- 11-waa madaxa shaqada iyo shaqaalaha shirkadda
- 12-Wuxuu Shirkadiisa Ku Soo Biirin Karaa Wax kasta oo Sharci ah uu u arko in ay faa'iido u leeyihiin shirkaddiisa.

## QODOBKA 13-AAD

GEERI AMA WAALLI KU TIMAADDA MILKIILAHA

Haddii waalli ama geeri ku timaado milkiilaha shirkadda waxaa saamigiisa lagu wareejinayaa dhaxaltooyadiisa sharciga ah ama ciddii kale ee maxkamadu u amarto.

## QODOBKA 14-AAD

MUDDADA JIRITAANKA SHIRKADDA

Shirkadda Fure General Service Company waxay jiraysa muddo dhan 60 sano, mudada jiritaanka Shirkadda wa la kordhin karaa haddii uu ogolaado milkiilaha Shirkadda waana layareyn karaa.

## QODOBKA 15-AAD

BAABI'INTA SHIRKADDA

Fure General Service Company Waxaa uu baaba'ayaa Marka La Helo Qodobada Soo Socdo:-

1. Dhamaanshaha muddada jiritaanka shirkadda.
2. Go'aan baabi'in ee ka soo baxo Milkiilaha.
3. Haddii Shirkadda ay musalafto Islamarkaana ay u suurta gali weyso in ay shaqeeyso.
4. Haddii uu soo baxo sharci baabinayo Shirkadda noocan ah.



+252 612223788 | +252 615353330



Nootaayotayo@gmail.com



Barako Market , Near Waaheen Hotel Mogadishu, Somalia

### QODOBKA 16-AAD

#### KALA QAYBSIGA HANTIDA SHIRKADDA

Waxa la magacaabayaa guddi farsamo oo soo aruuriya hantida Shirkadda ee deynta ku maqan iyo midda taala, isla markaasna la bixiyo xuquuqda lagu leeyahay Shirkadda iyadoo lagu saleynaayo xeerka iyo shuruucda lagu dhisay Shirkadda.

### QODOBKA 17-AAD



#### WIXII LAGA WAAYO SHARCIGA DHISMAHA SHIRKADDA.

Wixii aan ku qornayn sharciga dhismaha Shirkadda waxaa loo raacayaa xeerka shirkadda iyo sharciga Shirkadda ee dalka u degsan.

### QODOBKA 18-AAD

#### DHAQAN GALKA SHARCIGA DHISMAHA

Sharciga dhismaha wuxuu dhaqangelayaa marka uu Saxiixo Milkiilaha Shirkadda, Wuxuuna heshiiskan Ku saxiixay Xafiiska, kadib markii uu akhristay, uuna raalina ka noqday sida aan u qoray heshiiskan, waana kan saxiixisa hoos ku cad:-

No.	Magaca	Saxiixa
1	Mahad Muhumed Osman	 

### QODOBKA 19-AAD

#### TIRADDA BOGAGGA IYO QODOBADA HESHIISKAAN KA KOOBANAYAHAY

heshiiskan wuxuu ka koobanyahay 19-qodob iyo 5-bog.

#### (XAFIISKA NOOTAAYAHA)

REP.530/TPN/2023 Tr.12/02/2023, Muqdisho, Aniga oo ah:- **Dr. Maxamed C/laahi Maxamed "Max'ed Notaayo"** lehna Xafiiska Nootaayaha Tayo, Waxaan halkan ku caddeynayaa in heshiiskan dhismaha sharciga Shirkadda ee kor ku xusan uu yahay mid sax ah oo waafaqsan shareecada islaamka iyo shuruucda madaniga ah ee Jamhuuriyadda Soomaaliya, islamarkaana uuna Saxiixay Milkiilaha Shirkadda Nootaayaduna waxey hubisay magaciisa in uu yahay Kii dhabta ahaa uuna leeyihiin saxiixa kor ku xusan, waxaana lagu qoray Diiwaanka guud ee Nootaayada.

#### SAXIIXA NOOTAAYAHA

**Dr. Maxamed C/laahi Maxamed "Max'ed Notaayo"**



+252 612223788 | +252 615353330



Nootaayotayo@gmail.com



Barako Market, Near Waaheen Hotel Mogadishu, Somalia






**FOOMKA BIXINTA DUKUMINTIGA**

**Tr. 12/02/2023**

Aniga oo ah **Maxamed Cabdi Cali** waxaan halkaan ka cadeynayaa in aan ku wareejiyay **Mahad Muxumed Cismaan** oo ka Wakiil ah Loo Caddeeye **Shirkadda Fure General Sevices** Dukumiintiga **Original** Caddeynta **Rep No. 530/W.P.N/23, Tr. 12/02/2023**, faah faahintiisuna tahay sidan soo socota:

<b>Magaca Loo Caddeeyaha</b>	Shirkadda Fure General Sevices
<b>Taariikhda Caddeynta</b>	12/02/2023

**Wakiilka Loo Caddeeye:** Aniga oo ah **Mahad Muxumed Cismaan**, Degan **Muqdisho** Waxaan Halkaan ka Cadeynayaa in aan ka Qaaday Xafiiska **Nootaayaha Waddani** Dukumiintiga Caddeynta faah faahinteedu Sare ku cadahay uuna leeyahay **Shirkadda Fure General Sevices**.



**SAXIIXA DUKUMINTI BIXIYAHA**

**Maxamed Cabdi Cali**

**SAXIIXA DUKUMINTI QAADAHA**

**Mahad Muxumed Cismaan**